

PRONI mjesečni bilten

JANUAR-FEBRUAR 2010. godine



SADRŽAJ

- Aktivnosti iz januara P.1
- Sastanak NVO u Bijeljini P.2
- Seminar u Novom Sadu P.3
- Skupština PRONI-a P.4
- Sastanci sa volonterima P.5
- Nešto više o PRONI-u P.6

CEFE trening o samozapošljavanju u Bijeljini

Republička razvojna agencija malih i srednjih preduzeća Republike Srpske /RARS/ organizovala je trening iz oblasti preduzetništva i samozapošljavanja u Bijeljini koji su sproveli CEFE treneri Aleksandar Dodik i Slađana Sokić.

Cilj treninga je sagledavanje mogućnosti realizacije poslovnih ideja polaznika treninga. Na ovom treningu polaznici prolaze istraživanje tržišta i izradu kompletnog poslovnog plana.

Na kraju treninga polaznici su predstavili svoje biznis planove komisiji koju su činili ljudi iz Republičke razvojne agencije i Investicione razvojne banke. Svi planovi su pozitivno ocijenjeni

Tatjana Ristić, omladinski radnik PRONI-a prisustvovala je na ovom treningu.

Nakon završenog treninga polaznici su dobili certifikate.

Seminar u Strazburu

Bojana Sekulić, menadžer za PR i obrazovanje u PRONI Centru za omladinski razvoj, prisustvovala je na "Seminaru za aktiviste u omladinskoj politici i međukulturalnom dijalogu u kontekstu evro-mediteranske saradnje", u organizaciji Euromed Omladinske Politike u Interkulturalnom dijalogu u Strazburu. Seminar je trajao od 25.-28. januara 2010. godine. Na seminaru su prisustvovali mladi iz 24 zemlje euro-mediteranske regije. PRONI je članica Anna Lindh Fondacije.

Cilj ovog seminara je bio: napraviti preporuke za strategiju rada sa mladima za Anna Lindh Fondaciju, kao priprema za Anna Lindh Forum koji se održava u Barseloni od 4.-7. Marta 2010. godine

Na seminaru su govorili:

- Gabriela Bataini-Dragoni, Generalni director za edukaciju, kulturu i baštinu, omladinu i sport, coordinator za interkulturalne dijaloge u Savjetu Evrope
- Andreu Klaret, Izvršni director Anna Lindh Evro-mediteranske Fondacije za međukulturalne dijaloge
- Urlih Bunjes, Zamjenik direktora direktorata za omladinu i sport
- Marina Gautier, Salto raznolikosti

Sastanak omladinskih NVO u PRONI-u u Bijeljini

U Bijeljini omladinske organizacije imaju praksu mjesečnog organizovanja zajedničkih sastanaka

Prvi sastanak omladinskih NVO u Bijeljini je održan 10.02.2010. godine. Na sastanku su prisustvovali predstavnici omladinskih NVO -a: Omladinskog centra Bijeljine, Odreda izviđača „Semberija“, UG „Bunt“, Foruma mladih, Svetosavske omladinske zajednice, Škole rukometa „Sedmerac“ i PRONI-a, te predstavnik opštine Bijeljina Šef odjeljenja za omladinu i sport.

Na sastanku omladinskih organizacija predložen je i usvojen slijedeći dnevni red:

1. Predstavljanje svake omladinske organizacije
 2. Plan rada svake omladinske organizacije u 2010. godini
 3. Budžet Opštine Bijeljina za 2010. godinu za mlade
 4. Projekti/konkursi za omladinske organizacije u 2010. godini
- Razno .

S obzirom da su na ovom sastanku prisustvovala nove omladinske NVO predstavnici svih organizacija su predstavili rad svojih organizacije radi boljeg upoznavanja, i plan rada za 2010. godinu.

Prisutni su saznali da je oformljena nova služba u Odjeljenju za društvene djelatnosti u opštini Bijeljina i da je to Odsjek za Sport, kulturu i omladinu, a gđin. Đokić je šef te službe. Gđin. Đokić je prisutnima predstavio plan potrošnje budžeta Opštine Bijeljina za mlade u 2010. godini, i naglasio da nakon rebalansa budžeta koji se desio krajem 2009. godine, značajne stavke u budžetu su smanjene kao i stavka za mlade i omladinske organizacije. Ukupan budžet za omladinske organizacije i projekte za 2010. godinu iznosi 45.000,00 KM, uključujući i budžet Omladinske Politike u Opštini Bijeljina

Nakon konstruktivne diskusije svih učesnika sastanka, predloženo je Gđin. Đokiću da pokuša da se izbori da ne dolazi do većeg smanjivanja budžeta za mlade, jer imamo situaciju da se povećava broj omladinskih organizacija a da se budžet za mlade smanjuje, što dodatno opterećuje rad omladinskih organizacija na području Opštine Bijeljina.



Obuka za nadzor nad vršenjem poslova za upozoravanje na mine

Bojana Sekulić, Menadžer tima za PR i obrazovanje u PRONI Centru za omladinski razvoj, prisustvovala je obuci za Nadzor nad vršenjem poslova za upozoravanje na mine, koja je održana u Neumu u periodu od 16.-19. februara 2010. godine.

Nakon završenog ovog seminara PRONI organizacija je završila sa obukom svojih kadrova za poslove upozoravanja i poslove nadzora upozoravanja na mine. PRONI će se akreditovati, kao NVO, za rad na poslovima upozoravanja na mine i hitnog obilježavanja u strukturi BH MAC-om.



Dan zaljubljenih sa PRONI-jem u Mecator centru

14. februara PRONI je obilježio dan zaljubljenih u saradnji sa Mecator centrom. PRONI je organizovao više aktivnosti zabavno-takmičarskog karaktera, gdje su se parovi i samci zabavljali, upoznavali nove osobe i osvajali nagrade. Mecator je za pobjednike pripremio 14 nagrada (pizze za parove, voćni kupovi i robni paketi). Srolovka je okupila najviši broj zainteresovanih, zainteresovani su mogli i da „izmjere“ ljubav na ljubavnom kalkulatoru, te da se takmiče sa drugim parovima u najjačem zagrljaju, najdužem plesu, itd.



Volonteri PRONI-a učestvovali na treningu u Novom Sadu

Volonteri PRONI Centra za omladinski razvoj Biljana Đurđević i Nedim Ferzagić iz Brčkog i Gorana Planinčić iz Bijeljine su u periodu od 12.-19. februara prisustvovali međunarodnom treningu za omladinske radnike/ce, volontere/ke i omladinske aktiviste/kinje pod nazivom **“Važno je koje metode koristite”**, na temu socijalno obrazovanje i omladinski rad kao metode razvoja socijalnih vještina neophodnih za integrisanje mladih ljudi koji imaju smanjene mogućnosti u aktivan život lokalne zajednice u organizaciji **Centra za omladinski rad (CZOR) iz Novog Sada**, a uz finansijsku podršku **Evropske komisije, programa “Mladi u akciji”**.

Trening je okupio 28 mladih iz sledećih zemalja: Belgije, Portugala, Španije, Hrvatske, Bosne i Hercegovine, Makedonije i Srbije.

Cilj ovog treninga jeste osnaživanje grupe omladinskih radnika/ca koji/e rade sa osjetljivim grupama mladih da kroz razmjenu znanja, vještina i iskustva implementiraju usvojene metode u svom daljem radu. Posebna pažnja je bila posvećena promovisanju tolerancije, multikulturalnosti, inkluzivnom pristupu i poštovanju različitosti. Učesnici/ce programa su imali/e priliku da se upoznaju

sa različitim kulturama, tradicijama i običajima i da razmijene iskustva i primjere dobre prakse u EU i kod nas, iz oblasti rada sa osjetljivim grupama mladih.

Tokom treninga organizovane su i posjete Pokrajinskom sekretarijatu za sport i omladinu APV, Kancelariji za mlade Grada Novog Sada, Ekumenskoj Humanitarnoj Organizaciji—EHO, kao i posjete kulturno istorijskim znamenitostima grada poput Petrovaradinske tvrđave.

Ukupan utisak učesnika/ca treninga o samom gradu Novom Sadu, Vojvodini i Srbiji je veoma pozitivan kao i sama organizacija ovog međunarodnog skupa.

Sastanak predstavnika PRONI-a, CEM-a i CORNO-a

Sastanak između predstavnika organizacija Centar za edukaciju mladih (CEM), Centar za omladinski rad i neformalno obrazovanje (CORNO) i PRONI Centra za omladinski razvoj održan je u Doboju početkom februara

Povod za sastanak predstavnika navedenih organizacija je dogovor o regionalnoj saradnji između ove tri organizacije. Dogovoren je zajednički rad na profesionalnoj asocijaciji omladinskih radnika (PAOR) i apliciranje projekata prema EIDHR i drugim donatorima.

OKORUZ

Nakon što su završeni svi OKORUZ-i, omladinski radnici PRONI-a su uradili i izvještaj koji je dostavljen Vladi Brčko distrikta. Od 26 omladinskih klubova OKORUZ nije urađen u 2 kluba, a samo je 8 omladinskih klubova prošlo procjenu rada.

Interkulturalni navigatori

Program Interkulturalni navigatori radi s ciljem okupljanja svih osoba koje žele dati pozitivan doprinos društvu; ljude koji su otvoreni za nova znanja, otvorenih pogleda, radoznali i koji žele razmijeniti iskustva s drugima. Program ima za cilj postizanje balansa različitosti u oblasti religije, spolova, invaliditeta, etničkog porijekla, klase, sektora (privatni, javni/civilno društvo) i geografski balans (ruralni/urbani i regionalni/ lokalna zajednica), kako bi se iskazalo mišljenje i utjecalo na cjelokupno društvo na nivou države. Interkulturalni navigatori imaju za cilj okupiti skupine lidera koji mogu na jednostavan način “navigirati” unutar i između različitih kultura zato jer su svjesni svog kulturalnog porijekla i dovoljno otvoreni da prihvate, poštivaju i razumiju druge kulture.

Tatjana Ristić, omladinski radnik u PRONI-ju, je učestvovala na prvom dijelu treninga za Interkulturalne navigatore održanom u Etno selu „Stanišići“ u Bijeljini u trajanju od dva dana. Trening je održan od strane British Council a pod pokroviteljstvom UNDP-a. Na treningu su prisustvovali vladini službenici i predstavnici NVO-a iz Ugljevika, Lopara, Dervente i Bijeljine.



Održana godišnja skupština PRONI-a

Za sjednicu Skupštine je predložen sljedeći Dnevni red:

- * Prijem novih članova u Skupštinu PRONI-a, razrješenje dužnosti članova Skupštine Udruženja predloženih za isključivanje i utvrđivanje postojećeg članstva sa mandatom od 4 godine
- * Usvajanje zapisnika sa predhodne redovne i vanredne sjednice Udruženja PRONI Centar za omladinski razvoj Brčko Distrikt BiH
- * Usvajanje izvještaja o radu za 2009 godinu
- * Usvajanje finansijskog izvještaja za 2009 godinu
- * Usvajanje plana rada sa prijedlogom budžeta utroška sredstava za 2010 godinu
- * Razno

Predloženi dnevni red je usvojen jednoglasno

Komisija za izbor, imenovanje i razrješenje članova Skupštine Udruženja je predložila izbacivanje 4 člana iz skupštine zbog neaktivnog članstva i samovoljnog izlaska iz

skupštine, potvrđeno je trenutno članstvo 20 članova skupštine i predložila ulazak novih 8 članova u skupštinu PRONI-a. Svi prijedlozi su jednoglasno usvojeni.

Jednoglasno su usvojeni i zapisnici sa prethodne redovne i vanredne sjednice skupštine PRONI-a, izvještaj o radu i finansijski izvještaj PRONI-a za 2009. godinu. Takođe je, jednoglasno usvojen i plan rada sa prijedlogom budžeta utroška sredstava za 2010. godinu.

Fokus grupa NAN-SEN dijalog centra

Nevladina organizacija "Saferworld" iz Velike Britanije, u saradnji sa Nansen Dijalog Centrom (NDC) iz Sarajeva radila je istraživanje o tome kako ekonomska i politička kriza utiče na lokalne zajednice u BiH.

Tokom januara i februara 2010. godine, zajedno sa kolegama iz NDC Sarajevo proveli su terensko istraživanje na osam lokacija u Bosni i Hercegovini, gdje su radili diskusije fokus grupa i pojedinačne intervjuje.

Istraživanje u Brčkom je sprovedeno u saradnji sa PRONI-jem i u prostorijama PRONI kancelarije.

Tasco prezentacija u Tuzli

U okviru predavljanja TACSO projekta – Tehnička podrška organizacijama civilnog društva u Tuzli je 16.02.2010. održana prezentacija ovog programa za podršku organizacijama Civilnog društva kojoj je prisustvovao i generalni menadžer PRONI Centra za omladinski razvoj.

Predavljanje TACSO projekta i prezentacija na temu uloge civilnog društva u procesu evropskih integracije u Tuzli je druga od planiranih četiri. Sljedeće predavljanje i prezentacije biće održane 18. 02. u Mostaru i 23. 02. u Banja Luci.

Inače, projekt TACSO – Tehnička podrška organizacijama civilnog društva je dvogodišnji projekt koji se implementira u regionu Zapadni Balkan i Turskoj, a njegov cilj je jačanje civilnog društva a financira ga Europska Unija.



Sastanci sa volonterima

Tokom februara organizovano je nekoliko sastanaka sa volonterima PRONI-a u Brčkom i Bijeljini na kojima se dogovaralo o:

- * pisanju projekata od strane volontera za FOP (Fondacija omladinskih projekata) – volonterima je prenesena informacija za pisanje projekata i do 10. marta će raditi na pisanju projekta ,
- * volonterskom dnevniku
- * informaciji o otvorenom konkursu za pisanje projekata od strane grupa mladih do 25 godina za male grantove do 500 engleskih funti, od kojih bi zajednica imala korist za Peace Child International
- * očekivanjima volontera od PRONI-a u 2010. godini
- * fokus grupa o izgradnji mira sa mladima, volonterima, članovima upravnog odbora i zaposlenima u PRONI-u

- * predstavnici učeničkih vijeća srednjih škola koji su učesnici projekta na temu ljudskih prava u PRONI-u, su kao grupa radili na plakatu na temu dječijeg prava: „Zaštita identiteta“. Najbolji plakati će biti nagrađeni i štampani od strane članice EU, koje su raspisale

OHR vijeće za štampu

Jasmin Jašarević, Generalni menadžer PRONI Centra za omladinski razvoj, prisustvovao je Otvorenom dijalogu u izbornoj godini pripremljenom za novinare, političare i građane Brčko distrikta o Slobodi medijskog izvještavanja, Pravu građana na istinu i Žalbenoj proceduri Vijeća za štampu na neistinito medijsko izvještavanje u predizbornom i izbornom periodu , 12. februara 2010. godine u OHR-ovom uredu u Brčko distriktu, koje je organizovalo Vijeće za štampu u Bosni i Hercegovini.

Samoregulacija medija, medijske slobode, primjena profesionalnih standarda obuhvaćenih u Kodeksima za izvještavanje putem RTV i štampe, uloga i odgovornost javnih ličnosti i političara prema javnosti, te važnost informacije, dijaloga i dostupnosti političara medijima, neke su od tema koje su bile diskutovane na ovome skupu. Posebno je objašnjena procedura ulaganja žalbi na neprofesionalno i neistinito medijsko izvještavanje, kao pravo svakog građanina.

Prezentacija CIDI u hotelu Jelena

Cidi je projekat koji financira Europska unija (IPA 2007) pod nazivom "Izgradnja kapaciteta civilnog društva za učešće u civilnom dijalogu u Bosni i Hercegovini", a koji podržava obostrano koristan dijalog između organizacija civilnog društva i vlasti. Cidi je kratica koja se odnosi na civilni dijalog. Civilni dijalog jest strukturirani dijalog o ključnim pitanjima izrade i provedbe relevantnih zakona i javnih politika. To je dijalog između a) predstavnika organiziranog civilnog društva i njihovih sugovornika u vlastima kao i b) organizacija civilnog društva (OCD) međusobno.

Cidi je objavio javni poziv tematskim mrežama i koalicijama organizacija civilnog društva za program podrške i obuke o civilnom dijalogu zasnovan na domaćem i međunarodnim iskustvima dobre prakse.

Prezentacija ovog projekta je održana je 26.01.2010. godine u Brčkom u hotelu Jelena, ispred PRONI-a prezentaciji su prisustvovali Jasmin Jašarević i Mirsada Salihović.

Program će se odvijati od proljeća 2010. godine do jeseni 2011. godine.

Nešto više o PRONI-u



Omladinski rad

PRONI je do danas implementirao oko 300 manjih omladinskih i volonterskih projekata koji su uključili više od 4000 mladih. Od 1999. godine PRONI organizuje različite projekte na otvorenom: festivali, koncerti, turniri, kampovi, itd. Od 2002. godine PRONI je otvorio 4 omladinska kluba u: Brčkom, Maoči, Potočarima i Bijeloj, što se kasnije proširilo na 27 omladinskih klubova u mjesnim zajednicama Brčko distrikta.

Volonterizam

PRONI realizuje volonterske programe koji daju mogućnost mladima da učestvuju na volonterskim treninzima i da implementiraju svoje projekte u Brčkom i Bijeljini. Do sada je PRONI obučio oko 150 volontera koji su implementirali oko 70 različitih projekata za mlade i djecu. PRONI takođe prihvata lokalne i međunarodne volontere koji imaju iskustvo u omladinskom radu i uključeni smo u EVS (međunarodni volonterski servis za razmjenu volontera).

Baza trenera

PRONI je oformio "Bazu trenera" i pokrenuo kurs "Osnove omladinskog rada" sa ciljem da se odgovori na potrebe lokalne zajednice za neformalno obrazovanje. "Baza trenera" obučava grupe mladih i odraslih u oblastima ljudskih prava, komunikacije, razrješenje konflikta, grupni i timski rad.

Omladinska politika

PRONI se već duže vrijeme bavi razvojem omladinske politike za Brčko distrikt u saradnji sa drugim omladinskim organizacijama, te razvojem i promocijom omladinske politike u Bijeljini.

PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004 godine.

Naša vizija:

PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravdom društvu u kome su njihove potrebe prepoznate i riješene.

Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.

PRONI-jev rad se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.

PRONI Centar za omladinski razvoj

Ul. Bosne Srebrene br. 16.
76101 Brčko

tel: +387 49 233 940

tel/fax: +387 49 217 695

Ul. Ivana Gorana Kovačića br. 5.
76000 Bijeljina

tel: +387 55 213 046

pronibrco@teol.net

www.pronibrcko.ba